


大日本史



番外書冊

| | | | | | | | | |
|-----|---|-----|---|----|---|----|---|----|
| 和書門 | 類 | 三三六 | 函 | 二七 | 架 | 一三 | 冊 | 五三 |
|-----|---|-----|---|----|---|----|---|----|


| | | | | | | | | |
|------|----|-----|---|----|---|----|---|----|
| 內閣文庫 | 和書 | 三三六 | 函 | 二七 | 架 | 一三 | 冊 | 五三 |
|------|----|-----|---|----|---|----|---|----|

自八十八
至九十八

| | |
|------|-----------|
| 內閣文庫 | |
| 番號 | 和 13216 |
| 冊數 | 53 (33) |
| 函號 | 138 102 |

史傳載紀

三十三



淺草文庫

大日本史卷之八十八

列傳第十五

權中納言從三位源光圀 校
男權中納言從三位綱條 校


皇子三

崇峻一子

蜂子皇子

舒明二子

古人大兄皇子



大日本史卷之八十八

蚊屋皇子

孝德一子

有間皇子

天智三子

建皇子

川島皇子

春日宮天皇施基

帝大友二子

葛野皇子

與多王

天武十子

岡宮天皇草壁

大津皇子

崇道盡敬皇帝舍人

長親王

穗積親王

弓削皇子

新田部親王 子道祖王

高市皇子

忍壁親王

磯城皇子

聖武二子

皇太子某

安積親王

光仁五子

崇道天皇早良

稗田親王

廢太子他戶

廣根諸勝

僧開成

崇峻蜂子皇子妃大伴小手子所生也

日本紀

事關

舒明四皇子寶皇后生天智帝天武帝夫人

糠我法授郎媛生古人大兄皇子嬪吉備蚊

屋采女姊子娘生蚊屋皇子

日本紀

古人大兄皇子又稱古人大市天智帝庶兄

也皇極帝時獲我入鹿臣驕僭尊權謀立古
 人而為天皇遣兵殺山背大兄等天智帝與
 中臣鎌足誅入鹿於朝是日三韓使入朝古
 人走還家謂人曰韓人戒鞍作臣吾心痛矣
 乃入卧内杜門不出鞍作臣昂入鹿也及帝
 讓位孝德帝孝德帝固辭讓古人曰大兄命
 先帝之子而年又長當居天位古人避座遂
 巡拱手辭曰大王既承聖詔何煩推讓臣願
 出家入吉野勤修佛道言畢解佩刀投地又

命帳内各解刀自抵法興寺剔除鬚髮被袈
 裟入吉野山世稱吉野太子大化元年九月
 古人與田口川堀朴井椎子笠垂倭漢文麻
 呂秦田來津謀反日本紀本註曰或本云十
 一月吉野大兄王謀反事
 未幾垂詣天智帝自首請罪天智帝使
 苑田朴室古高麗宮知將兵討之斬古人及
 子妃妾自經死日本紀本註田或本云十一
 月甲午晦中大兄使阿倍
 曾倍臣佐伯部子麻呂將兵三千攻古人大
 兄斬之并殺其子按阿倍渠曾倍臣名闕
 有女曰倭姬王為天智帝皇后日本紀

蚊屋皇子

按姓氏錄作賀陽王
蚊屋賀陽國音通

事闕有子

孝德有間皇子元妃阿倍小足媛所生也有
間性黠齊明帝三年佯疾浴于紀伊牟婁温
湯歸奏纒入其地疾自蠲消帝聞喜明年遂
幸牟婁左大臣籾我赤兄為留守一日赤兄
舉時政三失為有間言之有間欣然以為赤
兄善已也乃詣赤兄家登樓謀舉事俄雨所
倚夾膝自折以為不祥乃盟而寢其夜赤兄
命物部朴井貲率造宮丁圍其市經笏馳使

以聞遂執有間及其黨守大石坂合部藥鹽

屋鞠真送行在舍人新田部米麻呂從焉皇

太子面問反狀有間答曰天與赤兄知吾不

知也乃命丹比小澤國襲絞有間于藤白坂

時年十九日本紀有間過磐白悲傷作歌結松

枝後世號曰結松萬葉集八雲
御抄歌枕斬鞠真米麻

呂流大石于上野藥于尾張日本紀按本書
本註引或本曰

有間與一判事謀事時有間所倚几脚無故

而折又曰有間與籾我赤兄鹽屋小代守大

石坂合部藥取短籍卜謀反之事有間曰先
燔宮室率兵五百一日二夜邀牟婁津速以

船師漸淡路則事成矣或諫曰謀則善矣而無德今皇子年齒未及成人願勉養其德也

天智四皇子按續日本紀曰施基皇子天智

止四子他嬪無所考我遠智娘生建皇子宫人忍

海色夫古娘生川島皇子宫人越道伊羅都

賣生春日宮天皇宫人伊賀采女宅子娘生

帝大友紀日本

建皇子生而啞齊明帝以其性順鍾愛之四

年五月薨時年八歲殯於今城谷上齊明帝

悲傷詔群臣曰朕萬歲千秋之後合葬山陵

乃作歌三首時時唱之是歲冬在紀温湯又

追憶建口號三首詔秦大藏萬里曰傳斯歌

勿忘於世紀日本

川島皇子川或河天武帝十年奉詔與忍壁及

諸臣撰帝紀及上古事十四年授淨大參日本

紀按姓氏錄稱淨廣壹川島王然日本紀曰淨大參皇子河島薨懷風藻亦曰位終淨大

壹據此淨廣朱鳥元年益封百戶持統帝五

年又益封百戶通前五百戶是歲九月薨日本

紀時年三十五川島資性温裕度量弘雅與

大津為莫逆交大津謀逆川島首告變大津

遂伏誅朝廷嘉其忠

春日宮天皇名施基日本紀或志紀志貴國音

善言司日本紀大寶三年賜近江鐵穴時位四

品慶雲元年益封百戶和銅元年叙三品七

年益封二百戶續日本紀按本書不書提靈

龜元年進二品二年八月薨及光仁帝即位

追尊曰春日宮天皇續日本紀置山陵於田原

式因號田原天皇所生男女悉為親王寶龜

二年置國忌於川原寺又追尊紀氏曰皇太

后亦置國忌皇太后名掾姬續日本紀按紀

至光孝帝時廢國忌三代實錄六子曰海上王曰

春日王曰壹志王曰湯原王曰榎井王並母

氏皇胤紹運錄贈皇太后紀氏生光仁帝

中位正四位下壹志和銅中授從五位下續

海上神龜初授從三位春日天平

他本紀按本書載三人履歷止于此湯原榎井

大津

七

七

共陞親王補任三女亦母氏闕曰衣縫女王初

授後四位下陞內親王叙四品寶龜三年薨

曰難波女王陞內親王叙四品寶龜三年進

三品光仁帝幸其第明年又進二品是歲薨

光仁帝遣大納言文室大市中納言石上宅

嗣弔之曰坂合部女王陞內親王叙四品寶

龜五年進三品光仁帝幸其第九年薨續日本紀

壹志濃王湯原親王第二子也性矜不拘禮

法善於飲補任仕孝謙光仁桓武三朝歷左右

大舍人頭治部卿兼讚岐守拜參議續日本紀至

大納言兼彈正尹授正三位延曆二十四年

薨時年七十三勅贈從二位日本紀女弟尾

張女王入光仁帝宮紹運錄神王櫻井親王子

也補任孝謙帝時授從五位下光仁帝即位進

從四位下為左大舍人頭續日本紀尚從妹彌努

摩內親王補任延曆十年桓武帝幸其

第宴飲授女淨庭王從五位下續日本紀神王歷

參議彈正尹中納言大納言叙從二位十七

年拜右大臣二十五年四月薨時年六十稱

吉野大臣敕贈正二位紀畧神王性恭謹少

文雖居顯貴遂克保終遺言辭賜鼓吹平城

帝為度僧十人補任

大友二皇子十市内親王生葛野皇子懷風藻

與多王母氏闕皇胤紹運

葛野皇子器範宏邈風鑑秀遠材稱棟幹少

而好学博涉經史頗屬文善書畫位淨大肆

拜治部卿懷風藻持統帝元年奉帝大友遺詔

創園城寺溫觴抄為與多及高市薨持統帝

會百官議立儲貳群臣各挾私好眾議紛紜

葛野進曰我國家神代以降子孫相承以襲

天位若兄弟相及則亂從此興仰論天心焉

得能測推之人事聖嗣自定誰敢問然帝嘉

其一言定國本特授正四位下拜式部卿懷風

藻慶雲二年十二月薨續日本紀時年四十五懷

風藻持統十一年子曰池邊王仕聖武帝從

五位上内近頭池邊子曰淡海三船續日本紀

錄自有傳

與多王事關

天武十皇子鷓野皇后生岡宮天皇妃大田
皇女生大津皇子妃大江皇女生長親王弓
削皇子妃新田部皇女生崇道蓋敬皇帝夫
人藤原五百重娘生新田部親王夫人獲我
大蕤娘生穗積親王宮人胸形尼子娘生高
市皇子宮人穴人揖媛娘生忍壁親王磯城

皇子日本紀續

岡宮天皇名草壁又名日並知天智帝壬戌
歲生于大津宮壬申之役天武帝出吉野赴
東國草壁與忍壁追及津振川八年帝幸吉
野宮詔皇后及草壁高市大津川島忍壁施
基諸皇子曰朕今欲與汝曹共盟使千歲之
後無事皆對曰聖旨誠然於是草壁先進盟
曰兒等兄弟長幼并十餘王各出于異腹而
今而後無別同異俱奉天皇明詔不忌不失
相扶無忤天神地祇及天皇證之若渝此盟

身命忽凶子孫永絕五皇子以次盟如初帝
曰朕今慈愛汝曹如一母同產乃披襟抱六
皇子曰若違此盟忽凶朕身皇后亦盟如此
及車駕還宮六皇子拜帝于殿前十年二月
立為皇太子攝萬機十四年授淨廣壹朱鳥
元羊帝病救曰天下之事不問大小悉啟皇
后及皇太子尋加封四百戶持統帝三年四
月薨日本葬于真弓立延喜明年帝為皇太
子施絕絲綿布於三寺安居僧二百餘人日本

紀二百一
本作三百皇太子娶從妹阿閉皇女生文武

元正二帝女吉備女王母氏關陞內親王叙

二品適左大臣長屋王慶雲四年四月詔以

皇太子忌日為國忌天平寶字二年八月追

尊曰岡宮天皇續日本紀

大津皇子壬申之變自近江直赴伊勢會天

武帝十一年與聞朝政十三年授淨大貳朱

鳥元年加封四百戶日本先是有新羅僧行

心解天文十筮相大津曰皇子骨法非人臣

之相久居下位恐不全身因勸逆謀由是竊蓄異志懷風藻及帝崩遂謀反事發覺時持統帝臨朝稱制敕捕大津及其黨八口音檀壹伎博德中臣臣麻呂巨勢大益須僧行心帳內礪杵道作等三十餘人大津賜死於譯諾田舍時年二十四妃山邊皇女被髮徒跣奔赴殉焉見者歔歔詔流道作於伊豆徙行心於飛驒伽藍餘悉釋焉大津容止墻岸音辭俊朗自幼好學博覽善屬文日本紀齊力過人

兼善擊劍

懷風藻

嘗為天智帝所鐘愛

日本紀及

壯頗放蕩不拘法度然降節禮士人多附託其臨刑作詩曰金烏臨西舍鼓聲催短命泉路無賓主此夕誰家向懷風藻本朝詩賦之興自大津始焉日本紀按皇胤紹運歸豐原系日本紀共云大津有子曰粟津王坐父事流于備前豐原郡其子公連始賜豐原姓然他無相證故不書

崇道盡敬皇帝名舍人持統帝九年授淨廣日本紀貳慶雲元年加封二百戶時二品和銅七年又加二百戶養老二年授一品三年十

月詔曰開闢以來法令尚矣君臣定位運有所屬治守中古雖有率由綱目未彰遠近江世弛張悉備至藤原朝頗有損益由是誓遠祖之正典考列代之皇綱美纂洪緒此皇太子之任也然年齒猶稚未開政道惟夫握鳳曆而登極御龍圖以臨機者資輔佐之材乃致太平藉翼贊之功能保運祚况夫舍人新田部親王百世松桂本支賜於昭穆萬雉城石維磐重乎國家宜吐納清直能輔洪胤扶

植仁義以翼幼齡然則太平之治可期隆泰之運應致可不慎哉今二親王宗室年長在朕屬重既有舊典宜加寵賞其賜一品舍人親王內舍人二人大舍人四人衛士三十人益封八百戶通前二千戶二品新田部親王內舍人二人大舍人四人衛士二十人益封五百戶通前一千五百戶舍人以供左右雜使衛士以充行路防禦於戲欽哉以副朕意先是舍人奉敕修日本紀四年五月成上紀

三十卷系圖一卷八月知太政官事及聖武
帝即位益封五百戶天平七年十一月薨遣
後三位鈴鹿王等監護喪事其儀準太政大
臣命王親男女悉會于葬遣中納言多治比
縣守等就第宜詔贈大政大臣廢帝即位追
尊曰宗道盡敬皇帝尊夫人當麻山背曰太
夫人所生男女悉為親王續日本紀七子曰守部
王曰三原王曰船王自有傳曰池田王曰三
島王曰三使王並母氏闕太夫人當麻山背

生廢帝

續日本紀紹運錄按續日本紀三島
三使其無為舍人子之文而光仁紀

載三島王之與守部王三原王船王之
皆復屬籍三使王之與守部王之同時
賜姓據此其為舍人子明矣紹運錄亦載
人子有王島三浦二王蓋王島者三島之
三浦者三使之記也且續日本紀以廢帝為
舍人第七子其數亦合可以為證紹運錄又
有出水井王碩代王然他無相證故不書又
按廢帝諸兄續日本紀下之稱親王者船池
田耳如三原乃先薨守部三島廢帝紀以後
無所見疑亦先率乎唯三使見存不與陞秩
其今未詳二女母氏闕曰室女王初叙後四位
下天平寶字三年陞內親王授四品是歲薨
曰飛鳥田女王初叙後四位下亦陞內親王

大日本書紀卷之八十六

授四品尋賜稻四萬束寶龜四年復本位後

四位下延曆元年卒續日本紀按本書天平

王飛鳥田王四品十一月書室內親王薨一品

舍人親王之女也飛鳥田皇族遠近他無所

考然五年十月書飛鳥田內親王據此蓋亦

害人女也而坐廢帝事及復屬籍本書無所

見然今由復本位守部王仕聖武帝叙後四

位上三子曰笠王廢帝時叙後四位下為左

大舍人頭神護景雲二年授後五位下時無

位續日本紀按此曰無位下曰復屬籍嘗坐

廢帝事可知而本書無所見何鹿為奈亦

然寶龜二年與弟何鹿為奈共賜姓山邊真

人續日本紀按本年七月乙未錯謬疑五年

記黜罰而今所書九月丙申條文也

為玄蕃頭復屬籍續日本紀按本條書山邊

王乃復屬籍并賜後至正五位上大膳大夫

王爵也下皆倣此曰何鹿王寶龜七年與為奈共復屬籍曰為

奈王續日本紀為奈或後五位下三代實錄

三原王仕聖武孝謙朝歷彈正甲大藏治部

中務卿位正三位天平勝寶四年薨續日本

補七子曰丹波王慶雲中授後五位下續日本

紹運曰和氣王自有傳曰山口王天平寶字

大日本書紀卷之八十六 十五

八年與弟長津共坐廢帝車授姓三長真人

配于丹後寶龜二年並復屬籍後叙後五位

上為大監物曰長津王從五位下圖書頭

紀本曰小倉王延曆中為少納言位正五位下

續日本紀續日本後紀美和四年按此坐廢

曰細川王天平勝寶七年賜姓岡真人

按此亦當坐廢帝車本曰石浦王延曆中為

少納言或皇川王然他無相證故不書二女

曰小家女王陞內親王續日本紀作小家內

親王一代要記齋宮記作小宅內親王紹運

天平勝寶二年為伊勢齋齋八年罷歸京

記紹運錄按此罷職疑寶龜三年與中務太

輔菅生王菟削屬籍菅生除名

茂齋皆用皇女或皇孫女如皇孫女止稱女

王且廢帝所造亦限姊妹此以皇曾孫為齋

內親王特選也蓋有其故至廢帝被徙亦當

奪爵宣以嘗為齋故優宥乎續日本紀多脫

文故今無曰弓削女王適後四位下三方王

位正五位上延曆元年與三方及正五位下

山上船主厭魅乘輿事覺詔三方弓削減死

大日本書紀卷之六十一

配于日向續日本紀池田王仕聖武孝謙朝

為彈正尹畿內觀察使遷刑部卿位正四位

上天平寶字元年議儲貳池田孝道有虧以

故不得立廢帝即位進從三位兼攝津大夫

明年陞親王改授三品為紀政尹五年賜稻

十萬束七年上表曰臣男女五人其母出自

凶族臣惡其逆黨不錄王籍然日月稍邁聖

澤旁流今不為虛置則聖化之中恐有失所

之民伏請賜姓御長真人永為海內一族詔

可續日本紀按子女名及帝被廢責以多集

馬圖不軌降為諸王流土左續日本紀三島王叙

從四位上子曰林王天平寶字中叙從四位

下為木工頭續日本紀按此及下文三直等

所見共寶龜二年賜姓山邊真人二女河邊

王葛王葛或作加豆並從四位下天平寶字

八年配于伊豆寶龜二年復屬籍三使王從

四位下大膳大夫天平寶字四年卒子曰三

直王曰庸取王曰三宅王二女畝火女王石

大日本書紀卷之六十一

親女王寶龜二年並賜姓山邊真人續日本紀

長親王持統帝七年授淨廣貳後改叙二品

慶雲元年益封二百戶和銅七年再益二百

戶靈龜元年六月薨續日本紀按續日本紀

卒下或書二品續日本後紀或一品其子女薨

品或二品補任一品未知孰是子曰栗栖

王後三位中務卿天平勝寶五年薨曰文屋

真人淨王曰文屋真人大市共有傳女曰廣

瀨女王叙後三位天平神護元年薨續日本紀按本

書以大市為第七子據此長之子不

穗積親王持統帝五年益封五百戶時位淨

廣貳日本紀後改叙二品慶雲元年益封二百

戶二年知太政官事明年敕年祿準右大臣

靈龜元年授一品七月薨續日本紀

子削皇子持統帝七年授淨廣貳日本紀文武

帝二年七月薨遣淨廣肆大石王直廣參路

真人大人監護喪事續日本紀

新田部親王文武帝四年授淨廣貳慶雲元

年加封百戶時位二品和銅七年益封二百

戶養老三年與舍人親王奉詔輔佐皇太子
賜內舍人二人大舍人四人衛士二十人益
封五百戶通前一千五百戶四年知五衛及
授刀舍人事聖武帝即位進一品神龜五年
授明一品續日本紀按本書曰七月敕三品
大將軍新田部親王授明一品按
元年既叙一品
此云三品誤天平三年為畿內大總管七
年九月薨遣後四位下高安王監護喪事使
舍人親王就第弔之十月詔親王薨者每七
日供齋以僧一百人為限七七齋訖停之自

今以後為例行之子曰道祖王氷上鹽燒鹽

燒自有傳續日本紀

道祖王天平中叙後四位上為散位頭中務
卿天平勝寶八年五月聖武上皇遺詔孝謙
帝以道祖為皇太子居喪無禮明年三月廢
賜王爵令歸第七月橘奈良麻呂謀廢立道
祖與其謀事發覺遣兵捕之改名麻度比時
處流刑有司拷掠杖下死續日本紀
高市皇子當帝舉兵高市在近江帝遣大分

惠尺召之高市即踰於鹿深來會于積殖山口奉命至不破關屯于和藪以監軍事會近江驛使韋郡磐楸書藥忍坂大麻呂赴東國徵兵高市設伏捕獲藥大麻呂聞帝入桑名馳使曰今遠離軍不便帝乃赴不破高市迎於野上帝謂高市曰近江朝左右大臣智謀群臣多在其計議今朕無與計事者惟有幼孺子耳為之如何高市攘臂按劍曰近江群臣雖多何敢抗天皇之靈天皇雖獨臣高市

賴神祇之靈奉天皇之命率諸將而征討豈有距乎帝褒之執手撫背曰慎之勿怠因賜鞍馬悉委軍事高市還和藪及事平奉命宣近江群臣罪斬流有差十四年授淨廣貳朱鳥元年加封四百戶持統帝四年七月為太政大臣十月觀藤原宮地公卿百寮後焉五年增封二千戶六年再增封二千戶通前五千戶七年授淨廣壹十年七月薨

皇子尊薨

釋日本紀曰高市皇子也今塚之

有子曰長屋王自有

日本紀按本書曰後

傳曰鈴鹿王女曰河内女王叙正三位寶龜
十年薨曰山形女王亦叙正三位天平十七
年薨續日本紀鈴鹿王仕元明元正聖武三
朝累官大藏卿參議天平九年知太政官事
尋兼式部卿位後二位十七年九月薨有五
子曰豐野出雲仕聖武孝謙廢帝光仁四朝
天平寶字元年與弟篠原尾張奄智猪名部
共賜姓豐野真人為北陸道觀察使右中辨
神護景雲二年上奏曰佐渡國造國分寺料

稻一萬束每年蓄在越後常及農月差民運
漕動遭風濤淹滯數月間有漂沒復徵役大
詰用本國田租充其費用制可尋兼土左守
寶龜中任太宰大貳位後四位下八年卒曰
豐野篠原仕孝謙廢帝朝叙後五位下歷外
衛中將彈正弼曰豐野尾張亦仕孝謙廢帝
朝叙正五位下歷紕政弼能登守曰豐野奄
智仕孝謙廢帝光仁桓武四朝歷右中辨中
務大輔位後四位下延曆三年卒曰豐野五

大日本書紀卷之十八

十戶初名猪名部仕称德帝後五位上出雲

众續日本紀按本書天平寶字元年書後五

而猪名部元賜姓豐野真人亦曰鈴鹿王之

豐野真人掩智正五位下豐野真人出雲後四位下

後五位上以其父鈴鹿王舊宅為山陵故也

且本書載篠原尾張履歷止于神護景雲年

參錯而觀蓋二人共卒不與此恩叙耳其為

忍壁親王忍壁或作刑部壬申之役從帝入

東國九年奉詔撰帝紀及上古事十三年授

淨大參朱鳥元年加封百戶日本文武帝四

年敕與藤原不比等撰定律令大寶三年知

太政官事時三品慶雲元年益封二百戶二

年賜越前野一百町五月薨續日本紀有子曰山

前王仕文武元明元正三朝後四位下續日本紀

刑部卿懷風藻養老七年卒女曰小長谷女王

尚膳從三位山前王子曰茅原王為人凶惡

喜遊酒肆天平寶字中與御使麻呂傳飲忽

發醜刺麻呂屠其股肉置胸上而膾之其餘

罪狀明白有司奏劾廢帝以宗室故不忍置

大日本書紀卷之十八 二十二

法荆王爵賜姓龍田真人與子女流于多禰
島女曰池原女王初冒母家姓稱栗前後女
寶龜十一年敕改今名賜王爵授從五位下

續日本紀

磯城皇子朱鳥元年加封二百戶日本紀

聖武二皇子藤原皇后生皇太子某夫人縣

犬養廣刀自生安積親王續日本紀

皇太子某皇胤紹運錄一代要紀作基王歷代皇紀作基親王帝王編年紀作

某親王按基蓋某字誤而舊史編年紀作又不見為親王之文今並不取神龜四年閏

九月生帝御中宮大赦天下賜百官物及天下民與皇子同日生者布一端綿二疋稻二十束十一月太政官及八省上表奉賀獻弄玩物乃宴文武百寮已下至使部於朝堂賜五位已上綿其累世家嫡子身帶五位已上者別加絕十匹詔立皇子為皇太子僧尼等九十人上表奉賀施物有差明年八月皇太子病敷造觀世音像一百七十七軀寫經一百七十七卷大赦天下奉幣帛於諸陵禳之

皇極經世一

九月薨年二歲帝大悼惜葬于那富山不具

喪禮以其早夭也但在京官人以下及畿內

百姓素服三日諸國郡司各於當郡舉哀二

日命擇智行僧九人廬冢側薦福焉續日本紀

安積親王皇胤紹運錄別載淺香皇子按安積淺香國語相同誤為二人也今

不天平十六年閏正月從幸難波宮途患脚

病自櫻井頓宮還而薨年十七續日本紀

光仁六皇子井上皇后生廢太子他戶贈皇

太后高野御笠生桓武帝宗道天皇早良續日本紀

本紀尾張女王生稗田親王皇胤紹運錄

縣犬養男耳生廣根諸勝姓氏錄僧開成失母

氏皇胤紹運錄勝尾山流記元亨釋書

崇道天皇名早良初為親王天應元年四月

桓武帝即位立為皇太子續日本紀按一代要記曰早良親王

神護景雲二年出家入道元年十一注東大寺寶龜元年賜親王胤天應元年立為皇太子

年三十二皇胤紹運錄亦云天應元年為太子子年三十二然其為僧及改為親王本書並

無所見且景雲二年十一歲則至天應元年實當二十四而云三十一亦相矛盾故不取

帝常好遊幸委政太子太子以佐伯今毛人

為參議中納言藤原種繼奏曰佐伯氏自古無任參議者恐不可也帝即奪參議授後三位太子憾之請殺種繼帝不聽自是漸疎太子而不委政太子愈恨焉水鏡延曆四年八月帝幸平城宮使右大臣藤原是公種繼等輔太子留守九月太子與左少辨大伴繼人及大伴竹良東宮少進佐伯高成等謀使人射殺種繼帝大驚車駕急還搜捕繼人竹良等及射者誅之流其黨與廢太子幽于乙訓寺

續日本紀誅流幽等又太子絕食十餘日不

死遣宮內卿石川垣守等流太子于淡路到

高瀨橋而氣絕載屍葬之淡路紀畧按水鏡曰薨于山碕

要記曰薨于海上恐誤九年敕置守冢一戶類聚十一


年皇太子安殿久病卜之廢太子為崇乃遣

諸陵頭及諸王謝之敕曰嚮令泔路國為廢

太子置守冢一戶隨近郡司專當其事而所

司不戒致令有崇自今以後冢下置隍勿使

濫穢類聚國史紀畧廢太子歿後人多疫死帝懼遣



大日本書紀卷之二十一

僧於淡路讀經修福水鏡使人近其遺骸使

者溺於海者再十七年復遣廢太子甥參議

五百枝王懇祈得至淡路迎之而歸救藏于

大和八島水鏡三代實十九年七月詔追號

曰崇道天皇墓稱山陵水鏡更益淡路津

名郡民一戶守冢類聚帝違豫創靈安寺於

淡路令諸國所存各置小倉每歲貯正稅三

十束輸於寺及以天下調庸綿百五十斤充

薦以山陵預國忌奉幣列類聚先是下詔

盡赦還其黨與被貶謫者臨崩敕無論存亡

一復其位紀及命諸國國分寺每春秋二仲

月讀金剛般若經各一七日以安其魂焉類聚

國史及嵯峨帝即位又營八島寺於山階割

諸國正稅上分供獻水鏡貞觀五年敕修御靈

會於神泉苑禳疫疾崇道天皇為第一座後

世造社祭之所謂八所御靈之一也三代實

編年記

稗田親王水鏡寶龜六年叙四品天應元

大日本書紀卷之二十一 二六〇

大日本書紀卷之六十一

年進三品十二月薨年三十一續日本紀曰子曰高

橋王按紹運錄高橋王作高橋親王今後續日本後紀文德實錄三代實錄

廢太子他戶初為親王寶龜二年正月立為

皇太子大赦天下他戶為帝第四子以皇后

所生年十二歲起諸兄得立他戶為帝以下據水鏡按歷代

皇紀以崇道天皇為第四子又云他戶為太子時年十一未知孰是三年五月

先是皇后淫縱謀弑帝立太子坐而見廢皇

謀弑據至是詔廢太子為庶人明年幽后及

庶人他戶于大和守智郡没官之宅六年四

月卒續日本紀按水鏡曰九年二月或奏曰他戶親王猶存帝欲復立為東宮遣使

見之藤原百川召使者言曰汝莫以實奏國

自是亂矣若以實則我殺汝無赦使者往見

他戶無恙然怖百川遂奏曰非親王也他人

為稱耳他戶乳母侍人與使者固爭使者誓

曰若我有偽者兩目出矣百川命吏逐他戶

使者後果目出然本書六年已書卒其說不

足取信故附于此廣根諸勝叙正六位上延曆六年賜姓廣根

朝臣貫左京三條姓氏錄貫以下嵯峨帝朝

攝津公帝嘗獵瓜生野攝津獻物詔授州官

位陞諸勝為從五位上類聚史改貫一條一坊

要記

開成初名某按皇胤紹運錄拾遺徃生傳為

應元年歲五十八而是時桓武歲四十五則

其為桓武兄無疑今從勝尾山流記元亨釋

書帝微時嘗幸賤妾生焉非世所知及長聰

慧諳誦外典天平神護元年正月潛登攝津

勝尾山為僧名開成任桂洞勝尾山流記按

官時所生考續日本紀帝為東宮在景雲四

年流記誤矣故今從實書之又按流記徃生

傳釋書共曰開成師事僧善仲善算而徃生

子母紀伊守源懷信女然源姓始于嵯後伐

峨帝弘仁五年可謂傳會之甚故不取

桂樹構草堂帝施攝津豐島郡稻一千束以

充經營費命曰彌勒寺寶龜六年給島下郡

水田六十町天應元年十月卒年五十八桓

武帝延曆元年十月敕為開成修法華八講

著為恒例清和帝嘗幸寺改賜額勝尾寺流記

大日本史卷之八十八終

大日本史卷之八十九
皇極經世一
皇極經世二
皇極經世三
皇極經世四
皇極經世五
皇極經世六
皇極經世七
皇極經世八
皇極經世九
皇極經世十
皇極經世十一
皇極經世十二
皇極經世十三
皇極經世十四
皇極經世十五
皇極經世十六
皇極經世十七
皇極經世十八
皇極經世十九
皇極經世二十
皇極經世二十一
皇極經世二十二
皇極經世二十三
皇極經世二十四
皇極經世二十五
皇極經世二十六
皇極經世二十七
皇極經世二十八
皇極經世二十九
皇極經世三十
皇極經世三十一
皇極經世三十二
皇極經世三十三
皇極經世三十四
皇極經世三十五
皇極經世三十六
皇極經世三十七
皇極經世三十八
皇極經世三十九
皇極經世四十
皇極經世四十一
皇極經世四十二
皇極經世四十三
皇極經世四十四
皇極經世四十五
皇極經世四十六
皇極經世四十七
皇極經世四十八
皇極經世四十九
皇極經世五十
皇極經世五十一
皇極經世五十二
皇極經世五十三
皇極經世五十四
皇極經世五十五
皇極經世五十六
皇極經世五十七
皇極經世五十八
皇極經世五十九
皇極經世六十
皇極經世六十一
皇極經世六十二
皇極經世六十三
皇極經世六十四
皇極經世六十五
皇極經世六十六
皇極經世六十七
皇極經世六十八
皇極經世六十九
皇極經世七十
皇極經世七十一
皇極經世七十二
皇極經世七十三
皇極經世七十四
皇極經世七十五
皇極經世七十六
皇極經世七十七
皇極經世七十八
皇極經世七十九
皇極經世八十
皇極經世八十一
皇極經世八十二
皇極經世八十三
皇極經世八十四
皇極經世八十五
皇極經世八十六
皇極經世八十七
皇極經世八十八
皇極經世八十九
皇極經世九十
皇極經世九十一
皇極經世九十二
皇極經世九十三
皇極經世九十四
皇極經世九十五
皇極經世九十六
皇極經世九十七
皇極經世九十八
皇極經世九十九
皇極經世一百

大日本史卷之八十九

列傳第十六

權中納言從三位源光國 修

男權中納言從三位綱條 校

皇子四

桓武十三子

葛原親王

伊豫親王

萬多親王

賀陽親王 子忠貞王

明日香親王

皇七 佐味親王

大德親王

仲野親王

葛井親王

大田親王

大日本 坂本親王

長罔罔成

良岑安世 子木連 宗貞

桓武十六皇子藤原皇后生平城帝嵯峨帝

贈皇太后藤原氏生淳和帝夫人藤原吉子

生伊豫親王 續日本紀 夫人多治比真宗生葛原

親王 文德實錄 佐味親王賀陽親王大德親

王 皇亂紹運錄 一代女御百濟永繼生良岑

安世 皇胤紹運錄 從五位上藤原河子生仲

野親王 文德實錄 後四位下紀若子生明日

香親王續日本後紀從四位下坂上春子生葛井

親王實錄宮人藤原小屎生萬多親王皇胤

錄一代後五位下百濟教仁生太田親王皇胤

記運錄一代要宮人川上好生坂本親王代

要女孀多治美豐繼生長囿囿成桓武帝錄按

皇胤子長幼次序不詳日本紀畧水鏡一代要

記歷代皇紀皇代記皇年代畧記共以平城

帝為第一子嵯峨帝第二子淳和帝第三子

唯文德實錄曰葛原帝第三子嵯峨帝第三子

也由是觀之平城帝葛原間應有一皇子與

紀畧水鏡等不合公卿補任以葛原為第十

五子亦未足據信今姑從實錄以葛原居首

伊豫親王又雖無所推考據類聚國史延曆

十一年加冠文則與嵯峨淳和二帝年不相

遠因列葛原次紀畧萬多為第五賀陽為第

七佐味為第九大德為第十一續日本後紀

明日香為第七與紀畧異今據堯年推其生

年賀陽以延曆十三年生明日香不書堯時

年若干不得推考其排行姑序賀陽次文德

實錄葛井為第十二然推寔生仲野延曆十一

仲野為第十二年推寔生仲野延曆十一

年生葛井十九年生故以仲野居葛井上太

其次序不可知故並列于末長囿囿成良岑

安世考其生年亦應長於葛原然要記紹運

錄等書叙于諸子下蓋以其賜姓故降之乎今後之

葛原親王幼而穎悟有令譽及長恭儉不傲

於物歷覽史傳常以古今成敗自成續日本後紀

三

德實 延曆十七年與淳和帝同加冠於禁殿

日本紀 二十二年授四品任治部卿大同元年

遷大藏卿三年為彈正尹四年進三品弘仁

元年為式部卿三年兼太宰帥七年授二品

文德實錄 十四年任中務卿復為彈正尹天長二

年上表請子女皆賜姓平朝臣不許乃請罷

其王號許之紀 七年兼常陸太守復為式部

卿八年進一品文德實錄 永和二年賜甲斐巨麻

郡馬相野空閑地五百町續日本後紀 五年兼上

野太守續日本後紀 十年以老病上表辭職

不許續日本後紀 十一年復兼常陸太守嘉祥三

年復為太宰帥仁壽三年六月薨年六十八

遺令薄葬辭監護喪事葛原久在式部閑習

職務凡在舊典莫不達練舉朝重之敕賜輦

車入宮儀異諸親王文德實錄 子平高棟自有傳

次善棟後四位下類聚史 次高見王事闕高見

子曰高望王寬平元年賜姓平朝臣為上總

皇胤紹運錄 源平盛衰記

伊豫親王延曆十五年聽帶劔日本紀既而叙

三品公卿補任歷式部卿中務卿類聚伊

豫善管絃水鏡帝頗寵之嘗秋月因獵過其山

莊置酒飲宴日暮帝思聞鹿鳴作歌偶有鹿

鳴帝欣然令群臣和之後屢幸其別莊類聚

紀大同二年十月藤原宗成勸伊豫潛謀不

軌伊豫拒之不從而猶秘之未發伊豫舅大

納言藤原雄友告之右大臣藤原內麻呂伊

豫大懼之遽奏宗成勸反狀即繫宗成於左

衛士府按驗之宗成引款曰首謀及逆者親

王也紀左近衛中將安倍兄雄固保其無罪

帝不聽補任遂遣兄雄及左兵衛督巨勢野足

等率兵圍伊豫第十一月詔削親王號與母

夫人藤原吉子共徙之於河原寺幽諸一室

不通飲食紀流貶雄友宗成及其黨與紀

補任伊豫及夫人仰藥而死時人哀之紀弘

仁十年詔復親王號紀淳和帝即位命僧空

海僧戴榮等每年春秋二節於橘寺講佛經

捨田及道場支具入寺以薦其冥福性靈美

和六年九月仁明帝遣中使就墓宣詔曰故

贈二品伊豫親王按贈二品年月早捐拓館

長掩泉臺悼福祿之不融悲倚伏之難測雖

既追榮於前詔逾欲增飾於當年宜贈采班

以貴幽宅可贈一品續日本後紀弘仁元年嵯峨

帝有疾為伊豫度一百僧為藤原夫人二十

僧以禳之類聚回史紀畧貞觀五年修御靈會於神

泉苑伊豫及夫人預焉三代實錄子曰繼枝王高

枝王據文德實錄大同初親王遭害三子無

所考又不詳其次序按文德實錄公卿補任

並云高枝王者伊豫親王第二子也續日本

後紀又云繼枝者其第十四子也考之類聚國

史繼枝叙位弘仁十四年高枝叙位在

長三年其後繼枝者三年以繼枝為第

二子理或然耳今姑後續日本後紀繼枝

從四位下續日本後紀高枝及父被罪與兄

弟俱遠配辛苦流離無復生計嵯峨帝即位

哀父無辜赦諸子入京師悉返給所沒父資

財田宅高枝乃共同議均分男女時人稱之

文德實錄天長三年叙從四位下為因幡守累官

宮内卿至後三位續日本後紀高技為人寬

弘通曉文簿又學書於僧空海受琴於真熊

以至終身一無所成家素不蓄財產及薨遺

言薄葬文德實錄

萬多親王日本紀畧曰萬多初名淡田延曆中改賜今名按倭名類聚鈔河内

淡田郡注萬多淡田國音相同蓋改字而非改名也延曆十四年賜周

防田百町山八百町日本紀畧大同中叙四品為

中務卿類聚弘仁六年先是嵯峨帝憂神武

以來諸民濫雜尊卑之等甚不明詔右大臣

藤原困人參議藤原緒嗣等為書釐正之以

萬多尤精譜學命考定之至是書成凡一千

一百八十二氏并目三十一卷名曰新撰姓

氏錄諸闕上表上之帝喜納焉日本紀畧一代要

後姓氏錄八年叙三品類聚十年與緒嗣等

奏請據舊記判定前書記謬許之淳和帝即

位為式部卿天長五年兼太宰帥七年四月

進二品其月薨年四十三詔贈一品文德實

實錄子曰正躬王正行王雄風王正躬王自

右傳按文德實錄正行為第二子雄風為第四子公卿補任以正躬為第七子其餘

諸子無所考正行與兄正躬受業大學性喜文章

愛酒兼嗜鷹馬及嵯峨帝遜位詔直嵯峨院

天長十年授從四位下為侍從仁明帝甚寵

過之美和中兼越中守遷左馬頭叙從四位

上續日本後紀轉右京大夫文德實錄按續

京大夫未知孰是仁壽天安間除如賀守任彈正大

弼兼美作權守至正四位下文德實錄子曰高蹈

王高居王高平王高蹈高居貞觀中賜姓平

朝臣高平元慶中賜姓平朝臣三代實錄雄風為

人沉敏而寬裕進退閑雅弱冠入學文德帝

在東宮引侍左右頗習鷹馬踐祚之日授從

四位下除左馬頭仍給事殿中益被賞愛齊

衡中卒官帝甚愍悼焉文德實錄子定相王有相

王定相貞觀中賜姓平朝臣有相元慶中賜

姓平朝臣三代實錄

賀陽親王賀今昔物語弘仁中授四品為刑部

卿淳和帝即位遷治部卿天長中為中務卿

紀畧授三品兼和七年為太宰帥尋復為治部
卿嘉祥三年遷彈正尹齊衡中加二品天安
二年敕賜帶劔文德實錄負觀初兼常陸太守復
為治部卿常陸太守如故救於東大寺設無
遮大會供養大佛像遣賀陽監之光孝帝時
為中務卿與彈正尹本康親王等亦預焉五
年上表請致仕優詔不許九年為上野太守
治部卿如故十三年為太宰帥抗表辭治部
卿十月薨三代實錄年七十八帝王紀編帝不視事

三日紀畧賀陽有意匠巧製造嘗創京極寺于

京師會大旱鴨河水竭寺田殆涸賀陽彫木

童子設機巧置于田中長可四尺兩手捧器

盛水於器中則上灑童顏觀者喜之爭而灌

水寺田自然得不焦枯今昔物語子道野王忠貞

王利基王按文德實錄三代實錄並書第一

基王而忠貞又按實錄負觀十五則親王子蓋

不止於此又按實錄負觀十五則親王子蓋

辛身王時身王賜姓平朝臣賀陽親道野兼

和三年任武藏守仁壽中授後四位上道野



州志卷之八十九

好酒色愛絲竹然性謹厚未曾傲慢於物焉

文德實錄

忠貞王天安二年授後四位下文德實錄貞觀中

為大學頭遷中務太輔歷彈正大弼攝津河

內大和播磨等守元慶三年拜參議檢校大

和班田累兼宮內刑部卿美濃近江守卒於

官三代實錄忠貞容貌甚醜而志尚高遠幼

而就學粗通五經出歷任諸州威惠兼舉民

不敢欺庠序之風所在日興能吏之化與橘

良基見並稱聲譽之美為宗室之最補利基

少年入學頗涉史漢兼和末舉文章生嘉祥

三年授後四位下天安三年任侍從貞觀中

授後四位上歷下野權守男潔行王元慶中

賜姓平朝臣三代實錄

明日香親王弘仁二年授四品為彈正尹日本

紀九年上表乞除親王號同之諸臣不許再

上表請所生男女賜朝臣姓帝嘉其請賜子

女四人姓久賀朝臣孫王賜姓從此競效之

大日本紀卷之八十九

十

續日本後紀十二年授三品天長八年為上野

太守紀兼和元年二月薨明日香天資儉朴

不尚浮華弘仁中世風奢麗朝貴頗好鮮衣

唯明日香獨無所競夏日猶澣朝服者再三

時或賣駿馬以充費用及薨朝廷哀悼焉續

本後紀按上表文明日香有子男而諸書不載其名無所考正

佐味親王容儀閑雅頗好女色弘仁三年授

四品八年任彈正尹淳和帝即位為中務卿

天長二年閏七月薨年三十三紀畧按皇胤

三十二恐誤又按本書薨下載天皇踐祚日行去朝堂卒倒輿病而出不經幾日薨今考

之淳和帝踐祚至是已三年矣不宜書如此此蓋紀畧截斷本書之誤姑注于此

大德親王皇胤紹運錄一代要記大延曆二

十二年十月薨年六歲紀

仲野親王幼辨慧性寬裕弘仁五年叙四品

三代實錄天長四年為中務卿紀七年任太

宰帥三代實錄十年加三品三代實錄仁明朝

任上總大守拜彈正尹為上野太守授二品

續日本後紀轉式部卿三代實錄仁壽三年

兼常陸太守貞觀初復兼上總太守詔許以私鷹鶉各二聯遊獵河內攝津禁野之外五年再為太宰帥聰乘輦車出入宮中敕聰養鷹三聯鶉一聯仲野嘗學奏壽宜命之式於故左大臣藤原緒嗣音儀詞語足為世模範當時王公罕知其儀清和帝敕參議官就學焉九年正月薨年七十六三代實錄及字多帝踐祚以外祖贈一品太政大臣三代實錄子茂世當世基世輔世潔世實世十世在也康世

雅世利世胤世秀世房世按三代實錄清和四世茂世當世基世輔世潔世實世並為五位在而茂世至康世所見止九人加惟世利世並為五位一而茂世至康世所見止九人加惟世利世並為五位紀所漏也紹運錄歷舉茂世已下外載季世秀世房世要記亦載之然既胤世下謾加季世謬之明可知矣秀世房世舊史雖不見為仲野子之明可知矣秀世房世舊史雖不見為仲野目半故後二書列秀世房世於諸子末茂世歷後四位上殫正大猗太宰大貳終于刑部卿兼加賀守子好風貞文並以父請賜姓平朝臣三代實錄按尊早分麻誤好風任太宰

大日本史 卷之十九

少貳三代實錄歷後四位下右近衛中將當世天

稟羸弱惡冒風雨性雖好鷹犬不敢出遊終

于後四位下文德錄基世後四位下下總守山

城權守輔世累官後四位上民部太輔左京

大夫終于伊豫守子安典王仁和中賜姓平

朝臣三代實錄潔世舉文章生歷後四位上大學

頭民部太輔子遂良王元慶中賜姓平朝臣

歷木工允允或作大允光孝帝嘗召於左伏下試

書實世元慶初歷大學頭攝津守六年詔實

世及其子景行秋雪申如廉往並賜姓平朝

臣其女子前生帶王孺後產後平氏實世後

至後四位上十世歷中務太輔三代實錄宮内卿

任參議兼播磨守至後三位補任在世後四位

下齋宮頭三代實錄相摸守皇胤錄康世後四位

上河内守紹運錄惟世與利世同賜姓平朝臣

三代實錄歷後四位上大舍人頭紹運錄利世備後

守紹運錄亂世事闕子楊雄王嘗犯罪流于安

房仁和元年自脫逃込太政官下符諸國索

之不獲秀世後四位上美作守三代實錄房世仁

壽天安間累官中務太輔武藏越中權守文德

實錄貞觀初為越前權守授四位上五年上表

請與諸族同賜姓平朝臣許之三代實錄歷彈正

大弼終于正四位下因幡守三代實錄仲野

女宣子女王班子女王宣子天長中為伊勢

齋類聚國史元慶四年賜姓源朝臣班子為光孝

帝皇后生字多帝三代實錄

葛井親王幼而警悟年六歲敕賜帶劔弘仁

十年叙四品拜兵部卿天長三年為上野太

守文德實錄美和中為常陸太守續日本後紀八

年進三品葛井善射有外祖坂上田村麻呂

之風嵯峨帝嘗御豐樂院觀射禮畢敕諸親

王及群臣各以次射葛井時年十二帝戲謂

曰弟雖少弱當執弓矢葛井應詔而起再發

再中時田村麻呂侍座喜不自勝起座抱葛

井面舞追奏曰臣嘗將數十萬衆征討東夷

實賴天威所向無敵自料勇略兵術多所不

究今親王年在韶亂武伎如此非臣所及也

帝大咲曰將軍褒揚外孫何甚過多嘉祥三

年正月為太宰帥正月據續日本後紀四月薨年五十

一葛井素耽聲樂晚年益縱飲讌支體荒弊

竟至於成疾云文德實錄子基兄王棟氏按文德實

錄葛井有子二十餘人而三代實錄所見止此餘無所考基兄累官民部

太輔安藝守彈正大弼終於大藏卿續日本後紀三

代實錄棟氏後四位下三代實錄按本書云棟

守今考之其卒年實在貞觀十五年任下野

大田親王大同三年二月薨日本紀畧年十六歲

一代要記帝王編年記

坂本親王弘仁二年授四品尋為治部卿九

年十一月薨年二十六嵯峨帝遣使監護葬

事贈賻錢物日本紀畧

長岡園成延曆六年賜姓長岡朝臣續日本後紀

貫于右京姓氏錄弘仁六年改貫左京要記

皇胤紹運錄天長十年授後四位上嘉祥元年十

二月卒續日本後紀

良岑安世少好鷹犬善騎射多伎藝稍長始

讀孝經釋卷而歎曰名教之極其在茲乎乃

潛志於學術公卿補任延曆二十一年賜姓良岑

朝臣貫于右京補任大同四年為右近衛

少將以能書解音樂兼雅樂頭弘仁中累官

藏人頭兼左衛門佐但馬守進從四位下任

左衛門督遷左京大夫改貫左京七年為右

大辨兼美作守拜參議兼近江守補任十年奉

敕與大納言藤原冬嗣中納言藤原緒嗣監

修日本後紀類聚國史引尋轉左大辨十二

年進從三位拜中納言兼陸奧出羽按察使

補任又與冬嗣及藤原三守等奉詔撰內裡式

內裏式序明年兼春宮大夫補任十二月奏謹案太

政官去弘仁三年八月五日符備自今以後

銓擬諸州郡司一依國宰若選非其人政績

無驗則署帳之官咸解見任永不叙用以懲

將來臣愚以為知人之難古人猶病諸苟吏

非其人何無謬舉必欲據行此格恐人自陷

刑罰若其懼罪不撰徒失人功也望請州郡
 司先申初擬歷試雜務得可底績註擬言上
 而後朝廷付諸所司計會功過始預見任然
 則國宰免盪選之責郡司絕僥倖之望但先
 盡譜第後及藝業須依前詔臣等商量以聞
 伏聽天裁奏可代類聚三十四年進正三位補
 兼檢非違使別當年檢據三代格載安世天
長三年奏狀官銜始書于
 此兼右近衛大將補天長元年又奏今國守
 者古所謂刺史也當任之人不可多得伏望

令一良守兼帶數國小大之政一從其所請
 一二僚屬亦依請任之夫祿不厚則人不可
 勸也人不勸則治不立矣請其公廩擬國之
 中擇其殷阜地以二守祿并給之法宜試於
 一國明知治否然後令兼之不省三年奏河
 內前年水旱饑饉相仍百姓或合門流離或
 絕戶死也民俗由是長衰郡吏以之逃散所
 以頃年以諸司主典任用郡司至有闕怠嚴
 加刑罰彼雖各據時格以望爵級而民戶流

也更多新任之吏亦懼之逃遁夫郡司有罪
州宰擅決其罰而不關聞於法家實格式所
無有伏請主典以上被補郡司若有罪過依
法徵贖然則吏不公其職必致撫民經遠之
圖但施之一州自餘郡司不改前例奏可後
遂下諸國為法類聚三代格七月藤原冬嗣薨以
其異父兄稱病不朝淳和帝屢遣中使敦喻
起之補任五年轉大納言大將如故七年七月
卒年四十六補任詔贈後二位續日本後紀三代實錄按補任

作者誤嵯峨上皇為製挽歌二篇日本後紀纂紀畧

安世有文藻嘗奉淳和帝詔與東宮學士滋

野貞主撰經國集二十卷紀畧敕收其詩其餘

諸篇又凌雲集文華秀麗所載行于世子木

連長松清風宗貞晨直按續日本後紀木連

宗貞為第八子長松清風舊史不書第幾今

推年定其次序晨直三代實錄粗有事迹

但不書為安世之子今姑從紹運錄列于末

又按紹運錄安世子載恒成云見古今集賀

部然檢古今集不書為安世子其一本作經

成云及仁明帝崩與上野峯雄出家為僧未

知是石據僧綱補任文安世子蓋不止於此

而三代實錄等書別載良岑氏數人或恐有

其子也然亦無其所証故不取三代實錄清和紀有良岑經世官歷少納言兼侍從陸奧丹波守後四位下疑守世子乎然無他所証故不取又按文德實錄有良岑經世授從五位下為越前人也恐長松義和初為常陸權大掾遷伊豫掾以善彈琴為遣唐准判官從大使藤原常嗣等入唐及歸遭逆風漂泊南海陷賊殆死與醫生菅原梶成僅免得歸尋叙從五位下任侍從歷諸陵頭宮內太輔武藏守山城權守至從四位上續日本後紀文德實錄三代實錄清風義和貞觀間累官至從四位下義作守

近江權守三代實錄

木連容儀閑雅早有聲價初除大學助以父憂去職天長八年叙從五位下任下野少輔入京任式部少輔義和初任右衛門佐拜陸奥守六年與鎮守將軍西瑳末守等奏言曰伏見比來災星屢見地震是頻百姓多畏變逃凶又瞻澤多賀兩城之間異類延曼控弦數千如有警急難可支禦要須徵發援兵靖民赴農矧多賀城為瞻澤之後援不益兵

大日本史 卷之六十九

數何以救急但上奏待報恐失機事仍且發
且奏敕許之明年又奏陸奧民共稱守庚申
潰出之徒猶多不可制止請發援兵二千人
以候物情許之按本書六年上奏文書鎮守
將軍西瑤未守明年上奏書
前鎮守將軍末守蓋前後奏間未守已
解職而修書者闕其文也姑注于此尋遷
左中辨明年太上天皇崩木連率諸府兵入
衛禁闕十一年進從四位下任越前守嘉祥
二年六月卒年四十六木連壯年自特良家
子常欲立功名好施異治為諸神戶所行之

政動不據舊例專貴刻察同寮禁之拒而不
納及病自以為獲其譴悔改無効續日本
後紀
宗貞任仁明帝最得寵眷文德
實錄美和十二年
叙從五位下為左兵衛佐尋為備前介兼左
近衛少將續日本
後紀補藏人頭職事
補任至從五位
上及帝崩不堪哀慕出家為僧以求報恩時
人愍焉文德
實錄改名遍照字台教於僧圓仁僧綱
補任
續本朝
往生傳貞觀中常康親王以所居雲林院屬
遍照住焉後任法務延曆寺僧任法務始于

大日本史 卷之六十九

大日本史 卷之九十九

此釋家官班記後創元慶寺為座主敕列定額年

賜度者三人以雲林院為別院元慶三年為
權僧正上表辭職曰雞量之恩負蚊背而無
力非次之罷在人聽而有驚遍照昔在養和
之代給事黃門宿衛青瑣以虛蕞之陋姿沐
渙汗之膏澤已有日矣及於橋山乍掩鼎湖
始遷攀龍髯而不得從仙舄而獨留千行不
禁稚赤之恩在心萬分無益寸丹之慕推性
自謂奉金輪而推轂曾租宿世之回侍蓮臺

而袒肩當修來世之善是故剝除鬚髮擯落
簪纓委身草萊石泉蕩其塵累晦迹間叢白
雲知其素心遍照質輕散木廁禪林而不林
器類鑿冰斟定水而安蓄况亦齒漸七十性
亦昏蒙而今統法務之綱維為禪徒之表的
方足銜觥於當年遺笑於後代危同蹈席懼
寺探龍止足之分銘心不刊夫求官爵樂榮
耀者人之心也理之然也至於小僧聊有徵
尚褫珥貂而歸真寧冀采之道脫銀魚而出

大日本史 卷之九十九 二十一

俗非縻爵之求誓指白河瞻徹星漢伏願俯
 察愚衷曲許降退則屬續之日理恨黃墟不
 任丹愿之至謹奉表以聞優詔不許六年奏
 狀起請七事一曰凡令僧綱兼任諸寺別當
 者例皆以四年為秩限一曰凡諸寺度僧者
 其受戒日官必遣治部玄蕃等省寮檢察押
 署戒牒并捺印三代實錄一曰每年諸國放生節
 官必遣講讀師若部內行僧賣公物臨山海
 親贖鳥魚類聚一曰將禁諸國百姓每至夏

節必流毒於河上捕魚救施行之

三代實錄按餘事闕

今無所考仁和元年又上表曰鐘鳴漏盡當休昏

夜之行鞭策程遙宜稅玄黃之駕故益而終
 損已聞之於大聖滿者猶溢將挹之於小僧
 遍照昔在陛下龍潛之時陪蕃邸而委質暨
 乎深州象耕之日褊簪紱而出家既而身蛻
 蠶埃志厭榮利白業不退素縻所甘也去元
 慶三年詔授權僧正竈加非次聞之者咸驚
 榮出殊常當之而多耻遂深執降退頓上表

九日之史
卷之六十九
章而來蒙哀允屬換星霜會陛下金輪撫運
緝殿垂衣小僧以豐沛之故老遇慶泰之新
朝中使相望慰聞荐臻是故雖慙出山未辭
詣闕伏以俗士之事君也欲効忠勤不惜筋
力然而當於授杖之年猶有懸車之禮况禪
徒之業戒律為先縱在少壯之質何蹈聚落
之塵今衰暮之齡殆盈七十老耄昧時及病痾
日侵而久忝上綱人謂之不知足或侍中禁
世謂之為叨榮小僧初剃髮之日心誓自謂

鐘跡俗間終命山窟豈圖既迫蒲柳之秋更
嬰網維之累小僧為陛下之舊臣陛下照小
僧之宿意天鑒切漢何必指河伏冀陛下降
宸潢之洪霈免僧正之崇班則開賢路於法
務竅愚慮於禪門無任慊款之至謹奉表陳
乞以聞光孝帝省表敕曰公之於朕也外結
香花內投膠漆非中路之傾蓋據前生之宿
因不意寄車乞骸解網維於澗戶矯詞知足
停影向於瑣窻彼白衣之忘夜行昔側聞諸

有識緇侶之告歸老朝章闕以無存公之有此言朕未得其意若非君子之戲即忘我之甚乎先運擊澆風待方便智之安國命含寒露思神通力之養民道不虛行人能弘道當朕新取秋駕願公躉鎮玄門自今閣筆勿傷朕懷其秋以請以近江國高嶋郡荒廢田百五十三町寄寺尋為僧正賜宴於仁壽殿賀其七十壽明年敕曰惟公慈仁為性保護朕躬一朝一夕賴其普導朕所以身濟鴻業至

于今日豈非公潛衛之力自然冥致耶况公之未及落飾朕之始在列藩推分結恩形於中表及其禪律文養揭為僧豪外諮俗務內宗梵行者亦有日矣朕俯惟同塵之契遠感利國之誠念其酬責无忘監寐今別割百戶之封供其禪門之費亦聽駕輦車出入宮門留篤情於扶轂加隆遇於坐禪吁嗟至人懸解上德難名雖物外浮榮知非公好而人間崇飾聊寄朕懷義在忘言指不多及朕之蓄

誠公亘悉之三代實錄寬平二年正月卒扶桑畧記年

七十五元亨釋書作年七十四今推三代實錄仁和元年七十文後要記紹運錄

僧綱補任詔遣少納言今扶王於元慶寺吊之賜

綿三百屯調布百五十端令修諷誦世稱花

山僧正畧記僧綱補任又稱中院僧正良僧正紹運

遍照長於倭歌論者以為最得體格然其華

而少實譬如圖畫美女徒動人情耳古序二

子共為僧曰弘延按扶桑畧記曰遍照僧正

師施度者各二人任律師而紹運錄載遍照子

素性由性二人而不載弘延蓋其子實止弘延素性二人而素性後更名為由性也今從

畧曰素性素性初名玄利紹運錄按拾

孰仕清和帝為右近衛將監紹運亦善倭歌

任雲林院任權律師畧記醍醐帝嘗召入書屏

風賜酒命和歌與絹綿及馬西宮晨直貞觀

元慶間累官從五位上丹波守三代實錄補任子衆

樹元慶延喜間累官内外年五十猶未甚顯

一日詣男山神會雨甚難步蹙于石清水坂

見祠前橘樹垂枯題倭歌曰知波夜布流加

美能美下美式麻倍乃多知波奈毛毛呂幾

毛斗毛珥於比珥計留加奈他日橘樹再向

榮眾樹亦俄遷藏人頭數歲中歷右近衛中

將至參議人謂感通所致大鏡終于兼近江

守治部卿補任

大日本史卷之八十九終

大日本史卷之九十

列傳第十七

權中納言從三位源光圀 修

男權中納言從三位綱條 校

皇子五

平城四子

阿保親王

皇子某

廢太子高岳

大日本史 卷之九十一

巨勢親王

嵯峨二十二子

業良親王

秀良親王

基良親王

忠良親王

淳王

源信

源弘

源常

源寬

源明

源定

源融

源勤

源鎮

源生

源澄

大日本史 卷之九十一

二

大日本史 卷之九十一

源安

源清

源啟

源繼

源勝

源賢

平城帝四皇子宮人葛井藤子生第一子阿保親王第二子某名稱母氏事實並闕伊勢繼子生第三子廢太子高岳第四子巨勢親

王皇胤紹運錄歷代皇紀一代要記並云長高岳次巨勢次阿保今據續日本後紀三

代實錄為次序

阿保親王性謙遜才兼文武有膂力善絃歌嵯峨帝即位叙四品弘仁之變坐殿太宰員外帥天長初徵還京師仁明帝即位進三品兼和九年為治部卿給遠江敷智郡荒田三十三町尋為上野太守治部卿如故轉兼宮內卿明年遷兵部卿七年任彈正尹九年兼上總太守伴健岑橘逸勢等謀反阿保密上

大日本史 卷之九十一

書太皇太后橘氏奏變詔捕健岑等流之十

月薨年五十一敕遣使監護喪事及葬遣參

議和氣真網等追賞告變之功贈一品優恤

其家續日本後紀子仲平行平守平業平皇胤紹運錄以

行平守平業平仲平為次序天長中阿保上

表據高岳親王例請賜姓於諸子詔仲平行平

守平業平賜姓在原朝臣三代實錄按本書

脫文也又按公卿補任以行平為第三子三

次第榮華物語又並稱業平為第五子江家

之則阿保諸子蓋不止于此而紹運錄載大

江音人為阿保長子恐誤仲平為藏人歷豐前駿河守兼

刑部少輔續日本後紀守平從四位上民部太輔

左京大夫相模信濃守三代實錄行平業平

自有傳

廢太子高岳岳一作丘初為親王年月闕今嵯峨

帝即位立為皇太子明年藤原仲成伏誅平

城帝薙髮太子廢為親王三代實錄子女停

王號賜姓在原朝臣三代實錄弘仁十三年叙四

品類聚國史無幾落髮為僧改名真如續日本後

大日本史 卷之九十一

大日本史 卷之十九

紀三代 實錄 居東寺元亨釋書東寺作東大 研窮

真言宗為阿闍梨三代實錄 養和二年教給平城

故都水陸地四十餘町續日本後紀 貞觀初高岳

表請以大同四年所賜上毛野獻努石上内

親王等平城水田五十五町若干頃還施不

退超卑二寺許之三代實錄 三年入唐求法三代實錄

清和紀陽成紀按光孝紀作四年 在唐十餘

年不返子善淵等以不測其存没上表請還

納其封不許元慶三年陽成帝教從其請五

年學問僧中瓘自唐上牒告高岳赴西域至

羅越國而薨帝下詔痛惜焉三代實錄按元

入唐遍詢名德不充其意遂杖錫西邁東大

寺僧凝然所撰和漢合運曆曰至羅越國被

虎害 高岳初以年少早升儲貳世人號曰蹲

居太子識者以為不祥之兆也杲而俄見廢

續日本後紀 子善淵安貞皆賜姓在原朝臣

善淵齊衡末歷大舍人頭中務少輔天安中

為治部太輔紀伊守三代實錄 貞觀中拜大

和守累任内匠頭大藏太輔為山城權守善

淵初在童齡以父故為平城帝所權用深感其恩帝晏駕後常念結精廬於陵次以薦其福或事未得遂則姑使一僧代任而並未得果乃奏請即高岳嘗所居堂舍舊趾築寺以償宿志詔許之仍於平城買廢地墾闢為田以供繕脩資既而有同稱格者收為教旨田至是又奏訴其事請永賜為私田詔許之尋任神祇伯至後四位上復拜大和守三代實錄安貞歷太

亂紹運錄曰善淵削髮法各遍明入唐求法而旧史所不載故不書

宰少貳肥後撰津守至正五位下

三代實錄

巨勢親王弘仁初給伊賀稻四千束近江稻

四千束類聚史元慶六年八月薨陽成帝不視

事三日依喪家所辭不任緣葬諸司

三代實錄

嵯峨帝二十三皇子橘皇后生第二子仁明

帝續日本後紀第三子秀良親王續日本後紀妃

高津內親王生第一子業良親王按三代實錄為第二

子皇胤紹運錄源氏系圖一代要記帝王編年紀皆序秀良之下然續日本後紀以仁明

帝為帝第一子明矣今定後之為女御百濟貴命生

第四子基良親王紹運錄第五子忠良親王紹運錄

續日本後紀要記作第四子今後文更衣飯德實錄仁壽元年九月文及編年記

高宅負生第九子源常文德實錄第十一子

源明公卿補任尚侍百濟慶命生第十二子

源定三代實錄宮人某氏生第六子淳王紹運錄

錄笠繼子生第十五子源生補任紹運錄大

原金子生第十八子源融第十九子源勤紹運錄

錄要記按續日本後紀美和五年十一月條以融為太上天皇第八子蓋誤廣井

氏生第七子源信上毛野氏生第八子源弘

三代實錄安倍揚津生第十子源寬紹運錄

源啟更衣山田近子所生也三代實錄源鎮

尚侍百濟慶命所生也源氏系圖要記源清宮人秋

篠高子所生也紹運錄源澄田中氏所生也

紹運錄源安粟田氏所生也文德實錄源勝惟良

氏所生也三代實錄源賢長岡氏所生也要記編

源繼某氏所生也紹運錄不明其排序淳賢並

事闕

業良親王貞觀十年正月薨清和帝不視事

大日本史 卷之九十

三日業良早感心疾無位而終三代實錄子正内

王從四位下三代實錄 類聚國史

秀良親王天長九年叙三品賜没官書一千

六百九十三卷日本紀略仁明帝即位為中務卿

改彈正尹兼和元年更賜所没其外家橘奈

良麻呂書四百八十餘卷二年任太宰帥彈

正尹如故三年給諸國地田二百六十餘町

明年加給加賀石川郡廢田四十九町七年

進二品九年任上野太守日本續紀元慶中班

田使誤收其攝津墾田秀良奏訴敕還給之

三代實錄寬平七年正月薨年七十九一代實錄要記

基良親王天長八年六月薨日本紀略

忠良親王兼和元年授四品三年為上總太

守五年遷常陸太守七年為兵部卿嘉祥三

年進三品日本續紀文德帝即位賜帶劍仁壽

三年再為上總太守文德實錄清和帝即位加二

品貞觀二年遷上野太守兵部卿如故先是

大日本史 卷之九十 八

大日本史 卷之九十

下詔禁諸國國司養鷹出獵特聽忠良以私
鷹二聯獵五畿内禁野傍明年給撰津豊島
郡荒田五十七町五年轉式部卿上野太守
如故八年敕聽養鷹鷄各二聯十三年再為
上野太守十四年任太宰帥式部卿如故代
實錄後因病表罷職菅家不聽十八年二月薨
三代實錄年五十八帝不視朝三日三代實錄忠
良美姿貌為當時所嗟惜焉皇源朝臣
源信弘仁五年五月賜皇子皇女未為親王

者信弘常明貞姬潔姬全姬善姬姓源朝臣
貫右京詔曰朕當揖讓纂踐天位德愧睦通
化謝覃遠歲序屢換男女漸衆未識子道已
為人父辱累封邑空費府庫朕傷于懷思除
親王之號賜朝臣之姓編為同籍後事於公
出身之初一叙六位唯前號親王不可更改
同母後產猶復一列其餘如可聞者朕特裁
下公卿奏論恐後世有陛下早枝葉議也不
報三代實錄類聚國史信為第一源氏皇子賜源姓者

大日本史 卷之九十 九

大日本史 卷之九十

始于此三代實錄明年皆改貫左京一條補任

紀信率性弘雅風尚不恒好讀書傳兼善草

隸工繪事尤長畫馬帝親教音律皆窮其精

微三代實錄天長中叙從四位上歷侍從遷治部

卿兼播磨權守拜參議為左兵衛督三代實錄類聚

史兼和初累進正三位歷兼左近衛中將左

衛門督近江武藏守九年拜中納言續日本後紀三

代矣錄明年嵯峨帝小祥右司豫奏言太上天

皇周忌齊日正在七月十五日壬寅是太上

天皇本命元辰也伏按朝章三宮本命之日

猶忌行凶事而况重于太皇太后及聖上本

命乎伏請齊會之期移取十四日辛丑衆皆

以為允當太皇太后亦許之信及參議源弘

等奏言臣等奉遵顧命期不違失今如斯議

竊恐乖遺詔何者遺詔曰勿拘俗事然則何

須拘忌又曰送葬勿過三日若當時大行未

發前三日內有寅者亦復避之耶又後年周

忌或有寅日亦猶避之耶時帝病熱不能面

大日本史 卷之九十 十

大日本史 卷之九十一

議敕大納言藤原良房與公卿議奏曰三宮
本命日不舉凶事實古之蹤不為無據謹按
遺詔勿拘俗事者蓋謂卿曲碎事耳非指朝
家旧章也然則當彼時三日內如有可避則
避之無疑周忌齋會臣子縞素凡厥舉動總
是不祥是以忌之耳後年國忌豈可與同乎
偏守一隅不是通論也信等言竟不行續日本後
紀嘉祥元年轉大納言續日本後紀文德帝
即位授後二位兼皇太子傅文德實錄齊衡

元年兼右近衛大將三代實錄補任係仁天

安元年拜左大臣抗表辭職不許三代實錄

今從文初帝愛皇子惟喬親王有易儲之意

一日從容告之於信信曰皇太子有罪則宜

廢之若無罪則不可論也臣不敢奉詔帝甚

不悅而止大鏡清和帝即位進正二位負觀

元年詔賜攝津為奈野為遊獵之地明年給

山城宇治郡地二十五町三代實錄六年大納言

伴善男欲除信代為大臣授匿名書曰信與

大日本史 卷之九十一 十一

中納言源融右衛門督源勤等同謀及因於
廷證成其罪明年春以信家人清原春龍為
日向掾左馬少屬土師忠道為甲斐權掾左
衛門府生日下部遠藤為肥後權大目三人
皆善弓馬陽加擢實奪瓜牙也八年春善
男使子中庸火應天門誣信所為與右大臣
藤原良相謀欲圍信第召參議藤原基經命
之基經曰太政大臣知之欵良相曰太政大
臣崇佛本慈必不能決之也基經曰此非輕

事安得不蒙其處分乎乃出告良房良房愕
然遠奏曰信援立陛下功固不少矣今忽被
戮老臣不知其罪若信必見誅請老臣先伏
罪帝聞大驚敕遣參議大枝音人左中辨藤
原家宗等就第慰諭信事起倉卒信危懼計
無所出乃獻其寶後四十餘人駁馬十二匹
以示無異志朝廷不受尋帝知善男之奸流
之伊豆信自是大懼橫禍杜門不肯朝三代
大鏡裏書性喜鷹馬射獵屢往攝津遊政遣

大日本史 卷之九十
悶敕聽養鷹三聯鷄二聯九年抗表辭官詔
答曰公資兼文武寄重親賢先朝尚能知其
蕭散之性不責以僨俛之功况自朕在青宮
久勞保傅以至今日賴公翼贊也往年遣前
學士大枝音入深喻朕意既念得其志荃何
今煩此辭職夫携絲竹以養真翫鷹馬以忘
老公自任素性耳朕亦未之咎焉昔之干木
偃息魏侯高枕先事不忘今者攸望宜彌勵
乃誠莫煩表請又敕返賜七年中所收山城

相樂郡舊鑄錢司地二十町但採銅依舊十
年閏十二月獵為柰野墮馬陷泥氣殆絕左
右扶起而還因成病數日而薨年五十九信
嘗造一室於北山下設床居棺鎖閉四壁不
令人畜犯及薨遂葬于此遺命薄葬殯殮之
期人多不知也明年元日帝不受朝罷宴尋
遣參議源生大學頭潔世王等就第宣制贈
正一位云代信居一條北邊因稱北邊大臣
紹運錄補任按紹運錄一
本及要記北邊作山邊誤子叶平恭有好保

任昌尋 三代實錄尊早分脈按尋不詳其次序姑列諸子末 平從四位

上相摸權守大膳大夫恭初名謹貞觀中為

雅樂頭遷陸奧守請改今名元慶二年叛夷

燒秋田城出羽守藤原興世上奏請援數救

恭登陸奧兵助之後入為民部太輔至從四

位下有從四位下因幡守尾張權守好從五

位上備前守保從五位下若狹守 三代實錄類聚國史

任善彈箏 源氏系圖按系圖一本叙從五位

三代實錄延喜中為武藏權少去任之後燒官

舍取公物襲守高向利皆於國府 按桑畧記

載攻利春始末今無所考 昌紀伊守 源氏系圖 尋天資昏愚信

絕不為子而逐之後復召還之尋不時至而

信薨元慶中兄平恭保等奏請賜姓編屬籍

詔賜姓春朝臣 三代實錄

源弘為第二源氏 三代實錄公卿補任 天長五年叙從

四位下七年為官內卿九年兼播磨權守十

年遷信濃守美和初任刑部卿遷治部卿為

美作守九年拜參議餘官如故十二年轉兼

尾張守十三年兼左大辨為山城班田使長

官明年授後三位嘉祥元年為中納言續日本後

紀三代仁壽元年進正三位文德實錄貞觀

元年遷大納言五年正月薨年五十二三代實錄

補任按一代要記稱廣幡大納言皇胤紹運

帝王編年記弘幼而聰警好讀經史尤善隸

書為人寬弘仁愛通曉故體視事精斷初帝

視諸子中弘最好學特賜以經籍故家藏書

倍於他子性好絲竹每退衙以琴書自娛三代

實錄子同撰雙弼道希悅慙就昭近源氏系圖

同歷侍從大學頭中務少輔刑部太輔三代實錄

撰後五位下系圖作後五位上左兵庫頭周

防三代實錄雙後五位上備後權守裁前權三代實錄

弼後五位上宮内太輔兼大和權守三代實錄

國史道後五位下侍從下野信濃守三代實錄

希寬平中歷侍從藏人頭兼修理大夫左近

衛中將伊豫守等官拜參議補任職事請割

周防祖穀充鑄錢料雜物直奏可類聚三尋

兼左大辨昌泰中至從三位終中納言兼民

部卿補任悅從三位東宮亮太宰大貳參議官

內卿兼左大辨近江伊豫守守補任愨從五位

下就從五位上大藏少輔上野公昭藏人加

賀守近從五位上甲斐權守鑄錢長官源氏系圖

源常為第三源氏文德實錄天資深沈風神

爽秀寵超諸子天長初教授帶劔五年叙從

四位下七年為兵部卿八年授從三位明年

超拜中納言兵部卿如故文德實錄仁明帝立進

正三位補任日本作正二位今從續給山城綴喜

郡閑地五町續日本兼和初兼左近衛大將

為大納言七年拜右大臣兼皇太子傅續日本

紀文德實錄八年進從二位明年皇太子廢常與

左大臣藤原緒嗣等表請立文德帝仍兼皇

太子傅續日本十一年轉左大臣續日本

錄上表請減封不許固請不已優答聽之頓

辭大將不許續日本文德帝立進正二位齊

衡元年六月薨文德實錄年四十三按一代要記

年四十四源氏系圖作贈正一位遺命辭監

護葬事及贈位文德實錄稱東三條左大臣補任

錄常在官舉止閑雅言論和順務進才能退

諂佞時人以為有丞相之器文德實錄嘗奉教預

撰日本後紀類聚回史載子興穎直相備源氏

系圖尊興美容上外雄峻内寬柔三代實錄官至

從四位上歷侍從右近衛中将藏人頭兼阿

波守續日本後紀文德實錄穎後四位下侍

從民部少輔信濃大和等守但馬權守續日本後

紀文德實錄三代直歷侍從藏人頭右近衛

權中将山城肥後美濃權守相摸備中守拜

參議終于從三位兼民部卿讚岐權守三代實錄

補任相後五位下周防人藏人三代實錄備後五位

下圖系

源寬幼耽學帝雅好文章愛才重士欲達其

才屢勸勵之始冠叙正六位上及第補文章

生三代實錄養和三年進從四位上六年拜加賀

守續日本後紀遷阿波守續日本後紀阿波

實錄貞觀十二年兼神祇伯十四年任右

京大夫續日本後紀仁明帝崩寬與中納言

源定大藏卿平高棟等為山作司文德實錄尋為

刑部卿三代實錄仁壽二年兼越中守文德實錄

貞觀五年任宮內卿十二年遷伊豫守十八

年五月卒年六十四寬天資質道不妄交游

又不以政事為意故官爵不得大登三代實錄子

矜宥源氏系圖矜後五位上加賀權少者後五位

下長門公三代實錄

源明為第五源氏公卿補任性甚朗悟童顏墨重

之勸令讀書與大學生山田春城周旋成業

遂博覽諸子百家天長九年為大學頭文德實錄

兼和中兼加賀近江播磨守任左京大夫授

後四位下遷刑部卿轉兼越中守嘉祥九年

遷阿波守二年拜參議餘官如故續日本後紀

錄及帝崩明哀慕過甚廢學為僧改名素然

文德實錄居橫川稱宰相入道皇胤紹運仁壽二

年十二月終于橫川年五十文德實錄源氏

年九十子舒建頴系圖尊早分脈按三代實蓋誤

誤以建速為二人名今訂之舒永和元慶間歷正四位下

藏人頭參議兼左大辨左近衛中將近江權

守檢校山城班田右衛門督讚岐權守等官

三代實錄補任建歷後五位上大藏太輔相摸三代實錄補任

源定為第六源氏三代實錄公卿補任生而岐嶷帝令

淳和帝子之淳和帝愛之視過所生使罷姬

永原氏為之母故時人謂定有二父母天長

四年淳和帝奉書請時不拘前詔賜定以親

王號以罷異之不聽三代實錄明年賜姓源朝臣

補九年擢授後三位為美作守十年拜參議

續日本後紀兼治部卿補任係九年三代實錄

日本後紀永和元年遷中務卿五年兼播磨守七

年淳和帝崩定上表乞罷職勅解參議續日本後紀

紀作并罷中務卿今特賜食封百戶十四年

再拜參議明年兼尾張守續日本後紀嘉祥

二年拜中納言丁母憂去職奪情起之三代實錄

大日本史 卷之九十一 十九

十九

十九

文德帝即位敕賜帶劔文德實錄進正三位文德實錄

三代實錄仁壽三年兼左兵衛督補任作仁壽二年兼右兵衛督

解中務卿三年為左兵衛督今後三代實錄天安元年患病上表

解左兵衛督三代實錄二年兼右近衛大將

貞觀元年任大納言三年詔聽私養鷹鷄各

二聯獵山城河內和泉攝津等禁野之外五

年正月薨年四十九遣伊豫守豐前王後五

位下田口統範等就第宣制贈後二位三代實錄

稱四條大納言補任尊又稱楊梅大納言分脈

楊作湯今又稱賀陽院大納言補任定長於深

宮未嘗知人間艱難家事一無所問性溫雅

好音樂常陳鐘鼓於庭每退朝舉樂自娛三代

實錄子包宥尊早分脈源氏系圖按寬第至

分脈作致今後精唱分脈包藏人文章生民部

太輔信濃守三代實錄者藏人系圖至從四位上

侍從右兵衛佐中務太輔右京大夫兼相摸

守三代實錄類聚國史精歷推樂頭任太宰少貳

仁和中以貢鸕鷀違期眾當杖一百刑部省

奏贖銅九斤三代實錄唱侍從中務少輔右

大辨三代實錄補任

源融為第十二源氏公卿補任帝令仁明帝子之

美和五年皇太子元服之日同共冠於禁中

叙正四位下賜宸筆位記六年為侍從續日本後

紀八年任相摸守補任九年轉近江守按補九年任

任權守十四年即真十四年任美作守補任

祥元年今後嘉祥元年兼右近衛中將三年

進後三位續日本後紀任右衛門督補任齊衡元年

遷伊勢守文德實錄三年拜參議餘官如故補任貞

觀初進正三位累兼近江守是歲詔聽獵大

和字陀野五年轉兼左衛門督六年拜中納

言兼陸奥出羽按察使敕聽養鷹三聯鷄三

聯十二年遷大納言十四年以其勤勞近親

詔拜左大臣十五年進後二位兼皇太子傳

上表請還封千戶優答不許三代實錄元慶

元年陽成帝即位思其輔導勞勅授正二位

三代實錄補任連表辭職不許八年帝遜位出宮諸

親王已下文武百官備駕奉迎光孝帝於藩邸太政大臣基經先往候起居解劍而入融時與兵部卿本康親王佩劍侍帝側相顧大驚各自撤之三代實錄按融先是已聽帶帝即勅賜三人帶劍三代實錄六月詔令就太政官廳聽政融有故自負觀十八年冬杜門不朝至是始出視事三代實錄按融杜門不古事談云太政大臣基經將奉迎光孝帝會百僚於陣議之融曰若問皇家之近親融等有焉融基經曰未聞自古皇親賜姓為臣而即位者融無言大鏡所載畧同而舊史無明證

故不宇多帝即位進從一位寬平六年聽乘

輦車出入宮中補七年八月薨年七十四扶

畧記補任按要記作年七十三是勅贈正一位

補融置別業於宇治陽成宇多朱雀諸帝嘗

遊幸焉後關白道長求領之至子賴通祐為

寺曰平等院花鳥錄情引又創山莊於嵯峨

曰棲霞觀清和帝脫屣之後嘗御焉三代實錄又

嘗河原院於東六條居焉按十訓抄拾芥抄

條北防門南萬里小臺閣水石巧窮華詭取

大日本史 卷之六十一

鱗介以致池中每月使汲難波潮二十斛日

煮塩以模陸奥塩竈浦之景後世盛稱勝事

稱河原左大臣及薨其家獻諸宇多法皇古今

集顯昭古今集子湛昇泊望副源氏系圖尊

抄續古事談子湛昇泊望副源氏系圖尊

腋以湛為湛子系圖以昇為湛至後三位任大

泊牙並誤今從補任書之納言兼陸奥出羽按察使伊勢守昇正三位

大納言兼民部卿讚岐守補有子曰是茂光

孝帝龍潛日養為子及即位賜姓源朝臣分

系圖天慶初任權中納言兼民部卿至從三位

補四年六月鼠鬣斷太政官櫃紐是茂惡之

以為已當之閉門為厭勝歷八日杲薨日本紀

補泊侍從望從五位上土左權守三代實錄副從

四位下兵部太輔畧記源氏系圖性好酒亭子院八

飲之一也畧記及本朝文粹所載紀長谷雄

今從其標書引朝野群載

源勤為第十三源氏永和十四年叙從四位

上續日本後紀為山城守補仁壽元年任阿波守

齊衡中任右近衛中將遷伊豫守中將如故

大日本史 卷之六十一 三十一

天安二年為宮內卿文德帝崩與勘解由次
官藤原宜監護左右馬寮任右兵衛督三代實錄

文德實錄貞觀中為相摸守拜參議遷右衛門督
兼近江守三代實錄十七年進從三位元慶

初兼播磨權守五年五月薨三代實錄年五十八

稱西七條宰相源氏系補任子温激浣凝系圖温侍

從伊勢三代實錄系圖按系激後五位下

浣後四位上右馬頭凝筑前守系圖

源鎮兼和二年叙後四位上類聚史四年投神

護寺為僧續日本後紀按法名闕今無所考稱白雲禪師早尊

分脈一源生為第九源氏公卿補任兼和五年叙後四位

上十年為加賀守續日本後紀嘉祥三年遷山城

守補任仁壽元年任左京大夫齊衡中兼美作

守文德實錄遷治部卿補任天安二年授正四位下

貞觀初遷大藏卿三年為筑前守尋兼讚岐

推守六年拜參議九年兼相摸守尋兼右衛

門督續日本後紀三代十四年因病辭右衛

大日本史 卷之九十一 二五

門督雜髮法名闕今八月卒三代實錄年五十二

類聚國史補任按補任一說作年五十四今

考一代要記生以貞觀六年任參議時年二十四據此當年四子如見源氏加正五位

十二歲未知孰是下侍後加賀備前權守見後五位下三代實錄類聚

國史源澄以母田中氏故世稱田中君源氏系圖子治

蔭堪潤系圖治後四位上侍後大舍人頭因幡

權守三代實錄系圖蔭叙後五位下娶陽成帝乳母

紀金子生子益益一日侍殿上被格殺事秘

無知焉三代實錄堪藏人潤後五位下武藏權人

系圖源安習射不好文書文德實錄養和十二年叙後

四位上嘉祥三年為備中守續日本後紀仁

壽三年四月卒年三十二文德實錄子來後之位

三代實錄類聚下國史源氏系圖

源清為僧法名闕今稱秋篠禪師皇胤紹運

記按江談抄載橘廣相就嵯峨隱君子問事

謂隱君子則嵯峨源氏清之類歟又按玉海

治養四年八月條載大外記清原賴業語曰

貞觀中大極殿大射人謂宜遷都嵯峨隱君

凡日本史 卷之九

子聞之云桓武聖主鑒如此可久為帝都故
新處宮宮不亘改葬也帝遂止此則隱君
子時去帝世未甚遠而江談抄說亦似有可
取也然未見其先為帝子之明文姑闕疑俟
証考

源啟以母寵故鍾愛敕兄常子養之常視之
如所生資給頗厚招大學生有才學者為師
讀書啟尤好文章善射能歌為人謹厚美音
儀昆弟中皆推敬之三代實錄仁壽元年叙正六
位上進從四位上齊衡中拜越中守三代實錄
文德帝崩啟與中納言橘峯繼下野守豐

江王從四位下茂世王等為山作司三代實錄貞

觀元年遷加賀守五年任相摸守十一年遷

越前守並不之任性崇信釋教與姪直約共

出家未杲遭病遂為僧法名闕今八月卒年

四十一三代實錄子記尋並從五位下源氏系圖

史云元慶元年十一月戊午授正六位源紀
從五位下據之疑記當作紀又按信子有尋

不應同名
疑又有訛

源繼授後三位皇胤紹

源勝天長十年給攝津百濟郡荒田二十七

日本書紀 卷之九 二十六

大日本史卷之九十

町嘉祥二年叙後四位上續日本紀辭仕為僧

改名由蓮三代實錄稱竹田禪師皇胤紹性聰明

博涉梵策兼好老莊尤有巧思所營皆窮妙

和二年七月卒三代實錄子良後五位下三代實錄

源氏



皇

大日本史卷之九十終

